

eo contexto, argentoque deornato redimunt. Hyeme autē capitium ex panno viridi induunt, quo totum ut deo cooperiunt, ut oculos tantum adspiciendos præbeant: *Hatte* vocant hoc genus vestimenti. *Palla* velis exterior, quæ a capite ad talos usque plurimis minutisque plicis striata est, argenteis deauratisque laminis tam frequentibus undecunque rigescit, ut exuta, etiam erecta consistat. Hæc constat ex rubro, interdum etiam ex viridis coloris panno.

*Comitatus Oldenburgensis.*

Hæc de Comitatu Embdano: succedit *Oldenburgensis*. Comitatus *Oldenburgensis* impositum nomen ab urbe primaria Oldenburgo. Hunc tractum olim Chauci minores incoluerunt sicut & Comitatum Embdianum, ut supra diximus. Comitum autem Oldenburgensium ditio quam etiam hæc Tabula ob oculos ponit, ab Ortu ad Visurgis ripam, provincias Stegingiam (è regione Bremæ arci Delmenhorstæ subiectam) Stadlandiam in quinque, Butriadiam in septem Parochias tributam, & huic subiectam Ieveriam, Frisiæ partem, XXI I parochiis insignem complectitur: ad Occasum Amerlangiam ad Amisiam fluvium porrectam, in medio Morinos habet. Ad Boream Frisia & Oceanus: ad Meridiem diœcesi Monasteriensi terminatur. Albertus Crantzius in sua Metropoli 3 cap. 15 scribit hunc Comitatum esse ex omnium vetustissimis: v *vide* kindum enim Saxoniæ Ducem (qui vixit Caroli Magni tempore) inter hujus Comites nominat. lib. 11 cap. xxx. Irenicus tradit urbem *Oldenburgum*, a Carolo instauratam, Ecclesiamque illic in honorem S. Ioannis Baptistæ dedicatam consecratamque ab Adalgargo Episcopo. In eo autem ipsum errare puto cum Ortelio, quod hæc civitatem inter v vandalias numerat, iuxtaque mare eam describat. Hæc namque alia est ab illa in v vagria nempe, Holsatiæ regione. Hanc V Vandali *Stargard*, Dani *Brannesham*, quique pro suæ linguæ proprietate vocavere, ut idem Crantzius asserit. Laurentius Michaëlis putat *Ambrones* (quos quondam cum Cimbris in Italiam profectos, & a C. Mario caesos, tradit Plurarchus) hinc originem habuisse, eorumque nomen adhuc exstare apud Gentem quam *Amerlander* appellant. Idem de Alanis Saxonibus sentit quos ad stagnum Alanum, in hoc tractu, & ab utraque parte fluminis Alaniæ usque ad arcem Oriam habitasse credit, hodieque *Lengener* id est *Alani*: & *Averlenger* quasi *Ultralanos* vocari. Arx *Delmenhorst* ad rivum *Delme* anno c10 ccxlv11 exstructa cum lxx annos in Episcopi Monasteriensis potestate fuisset: ab Antonio Comite Oldenburgensi, die Palmarum anno c10 dxxlvii tacita militum manu, summo mane superato aggere expugnata & occupata est, & Præfectus arcis Hermannus ab Oer in custodia servatus. De Comitibus hujus regionis quædam habet Andreas Hoppenrodus, in suo stemmatum libro. Sed optime de ea David Chytræus in sua Saxonica historia. Libet autem de Chaucorum moribus pauca hic Coronidis addere. Gravissimus Scriptor Tacitus ita de his scribit: *Populus inter Germanos nobilissimus, qui que magnitudinem suam malit iustitia tueri. Sine cupiditate, sine impotentia, quieti, secretique, nulla provocant bella, nullis raptibus aut latrociniis populantur. Idque præcipuum virtutis argumentum est, quod superiores agant, non per injurias adsequuntur. Prompta tamen omnibus arma, & si res poscat exercitus, plurimum virorum, equorumque, & quiescentibus eadem fama.*

*Regio & unde dicta.*

*Situs.*

*Imperium majorum. Urbs.*

*Mores Chaucorum.*